

Visoki predstavnik donirao sredstva udruženjima za pomoć djeci s autizmom

Visoki predstavnik Valentin Inzko odlučio je djelomično prihvatiti Ice Bucket Challenge, izazov predsjednika HDZ BiH Dragana Čovića, kome se ujedno ovom prilikom zahvaljuje na lijepim riječima i činjenici da ga se sjetio u ovoj posebnoj prilici.

Visoki predstavnik će, naravno, rado sudjelovati u ovoj akciji. Preskočit će, međutim, dio koji se tiče polijevanja hladnom vodom. Naime, u ovom predizbornom, veoma bitnom periodu, očekuje se da su domaći akteri na političkoj sceni već hladne glave te da su fokusirani na rješavanje gorućih ekonomskih problema zbog kojih trpe građani BiH.

Ono što visoki predstavnik sigurno neće preskočiti je da pruži svoj osobni doprinos u humanitarnim akcijama diljem BiH. Ovom prilikom je već uplatio novac Udruženju "Autizam u BiH" iz Sarajeva i Udruženju za pomoć licima s autizmom "Djeca svjetlosti" iz Banja Luke.